

KRALJEVINA JUGOSLAVIJA

UPRAVA ZA ZAŠTITU

Klasa 77 (3)



INDUSTRIJSKE SVOJINE

Izdan 1 aprila 1933.

PATENTNI SPIS BR. 9869

Štajcer Vladimir, Zagreb, Jugoslavija.

Šuplje vodne skije sa opirnim štapovima.

Prijava od 26 februara 1932.

Važi od 1 avgusta 1932.

Ove skije služe za klizanje na vodenoj površini.

Svaka skija 1 napravljena je u obliku dugačke šuplje ladice, koja je sa svih strana hermetički zatvorena, a imađe prednji kljun nešto uzdignut za oslabljenje otpora vode i sve naokolo istaknutu stabilizacionu plohu 1a. Izrađena je iz laganog tankog ali čvrstog materijala, kao aluminijska, ili drugog prikladnog materijala. Ima samo jedan otvor 2, kroz koji se nutarnja šupljina ladice ispuni običnim i ponešto komprimiranim vazduhom, ili kakvim laganim plinom. Ovaj otvor treba prije upotrebe skija hermetički zatvoriti. Po prilici po sredini svake skije nalazi se udubina 3, u koju se stavlja noga za vrijeme skijanja. Ta je udubina dosta duboka, da bi težina noge, odnosno tijela, djelovala ispod težišta sprave, a da ista bude što stabilnija na vodi. Udubine za noge providene su limenim povezicama 4 za pričvršćenje skija uz stopala nogu.

Opirni štapovi 5 napravljeni su također iz laganog materijala, a imaju kolobare 6 sa dvostrukim tankim stjenama. Ovi kolobari imaju na periferiji donje osnovice istaknute prstenaste kolute 7 u svrhu što većeg otpora kod pritiska na opirne štapove kod potiskavanja i stabilnosti skijača na vodi.

Svaka skija treba da ima toliku kubaturu nutarnje šupljine, da može podnijeti težinu skijača, a da ne utone pod vodu, i to po prilici od 50 do 80 dm³.

Patentni zahtjev:

Šuplje vodne skije sa opirnim štapovima, označene time, da imaju oblik dugoljastih šupljih ladica sa uzdignutim kljunom, hermetički zatvorenih, sa udubinama po sredini za pričvršćivanje noge posredstvom limenih povezica, i da imaju lagane opirne štapove sa kolobarima sa dvostrukim stijenama i istaknutim donjim prstenastim kolutima.

Din. 10.

Ad patent broj 9869.



